



皇清誥授中憲大夫提督雲南通省學政按察使司副使  
原任漢陽府知府加二級子希鄰公崇祀名宦錄  
請祀名宦公呈



具呈漢陽府兩屬進士舉人貢監生員耆民陳國祝  
彭俊王希洪徐永祐陳國柱龍文御吳宗勳易教  
易枚李俊有項謙項誠陳嘉詠彭松年彭迪忱張  
掄元萬世良張坦麟張坦議張坦熊張天謨張坦  
諫郭毅嚴克成張琰江嶠孫張毓瑞熊正策汪在

亨熊正節唐齊漢許之楨黃彥安江濠陳治要李  
西有李佑有李能哲陳嘉說陳毅孫蘭芬孫光祀  
吳廷俊王希洽趙大陞張坦快劉衡揚之蕃文師  
汲蔣魯封吳中垣張坦駟黃紀雲李南有劉衡孫  
錫靖道漢楊之楫田實穎譚元憲尹詒孫王本印  
李兆駒張遇文劉曉李必筠江峻孫甘昌祚羅啟  
和胡鈞羅鳴序王全璧方遠賀璧熊祖旂李  
程曰頤頌全頌俞揚文徵周封魯啟  
熊璋許珩劉餘祈楊廷梓劉鳳楚陳枚生李斯之  
揚元吉向天章朱元度胡榮吉孫紹文龍御天  
岩奇胡天雲等

呈為恩被萬民勳垂五馬祈賜轉詳以彰廉守請

題崇祀以慰輿情事竊惟配享賢宮為千秋之鉅典升  
馨名宦闕百代之公評故政簡刑清德澤既周乎衆  
庶則報公崇德愛戴直結于人心茲有本府前任知  
府郝諱士鏞者名高衡嶽望重斗山孝友性生慈祥

天植正心誠意接孔孟之真傳主敬存誠為程朱之  
的派書就而儒林稱善灑珠玉于行間文成而士類  
傳觀走蛟龍于腕下桂花苑裡飄天闕之清香杏樹  
林中與曲江之高燕爰以益津碩德領郡晴川冀北  
真儒專城漢水內方大別臺隍當七省之交地齊民  
貧誅責為萬家之擾舟車水陸迎送不虛羸老流離  
招徠匪易郝太守則凜四知之明誠宛同楊震之清  
一視而不持不啻包公之潔減錢糧之火耗淨過

農民革帖稅之餘銀惠均商賈買米以周流殍民頻  
死而復生設法以賑窮貧人既饑而恆飽值蘊隆而  
禱告膏雨隨車因民愠以吹噓薰風被物道不拾遺  
革面者且以革心民弗去鄉借出者因而借入蒲鞭  
撻吏卓哉仁愛之劉寬增價來商允矣熙寧之趙抃  
費言修治陳俎豆于春秋義學肇興習詩書于旦晚  
案無留牘知決斷之如神禁少繫囚誦仁恩之加厚  
攤錢待物不因在遠而遺盡利與民不以恆規而取

拔真才于小試士慶風雲識偉器于衡茅門多桃李  
凡此皆邾太守視民猶子之心國爾忘家之志也矧  
夫政成露冕操潔飲冰鑑等燃犀事同游刃敦倫厚  
俗九載之撫卹偏長物阜民安二邑之歆思未已忽  
然仙逝競涕泣以徬徨倏爾西歸望棠蔭而勿剪泮  
宮崇祀真典禮之宜然呼籲請

題亦人情之難已欣逢

老師臺表率人倫楷模士子盤惟首藉心存寧淡之

思架插縹緗人被甄陶之化香生芹藻搖動于泮水  
池邊聲響鼓鐘鏗鏘于櫺星門內誠宮壻之學幸  
校之芳規如是合士論于輿情因同心而公懇伏乞  
俯采斯民之遺直用賜轉詳表彰賢守之深仁特加  
題請俾得崇祀名宦分享頌宮庶祀典永在千秋名  
賢常光于俎豆矣學校幸甚風化幸甚

康熙五十五年 月

目具呈

湖廣漢陽府漢陽縣儒學為息被病民勅垂五馬祈  
賜轉詳以彰廉守請

題崇祀以慰輿情事今將原任漢陽府知府郝諱士錚  
履歷事實理合開造須至事實者

今開

履歷

一本宦郝諱士錚字子希係北直順天府霸州人由康  
熙戊午舉人已未進士初任順德府教授累官至禮

部儀制司郎中康熙肆拾肆年授漢陽府知府於是  
年拾月拾叁日到任歷官拾載康熙伍拾叁年陞雲  
南提學副使康熙伍拾肆年陸月拾陸日在雲南告  
病致仕拾月值經漢陽漢上士民因天寒氣冷畱任  
數月遂於拾貳月貳拾伍日卒於旅署壽陸拾有伍  
事實

一本宦到任時查收牙稅號簿不下數千解額僅止數  
百細詢其故蓋漢陽二邑其錢糧徵解概不白府既

無羨餘矣惟此差足為養廉之資 公清白乃心志

甘淡泊遂詳明 上憲止照解額徵收所餘概為

除昔完牙稅壹兩者今止完銀錢許勒石永定關郡  
窮牙沾恩咸頌盛德建祠祀之

一本宦饑溺為懷漢鎮五方雜處值歲祲水鄉饑民流  
咨茲土者甚衆 公捐俸設廠賑濟分示各渡口凡

饑民過渡不得索錢遠近傳聞每日不下男婦數千  
口再分設四廠每名給米五合大小男婦每廠幾至

數千口無不各得其欲以去賑至次年春各歸樂業  
饑民漸少乃止所出費除捐俸外悉出典借勸券

一木宦到任川民每以隄垸崩卸構訟卷案甚多皆因  
修築無法以致傾圮 公即親詣各垸查勘設法修  
築堅固至今隄壩無虞訟端永絕垸民安堵

一漢鎮牙行甚廣惟糧食行家最多其弊不可殫數客  
牙均受其害肆拾陸年內傳兼尚等約具條陳 公  
力為禁除通詳勒石至今客牙沾恩建祠朱厰稱頌

### 公德

一漢鎮解劑營糧米歷係水運一有虧少即令舡行舡  
戶分相賠補大為民害 公於伍拾貳年內通詳  
各憲令該縣加增折耗照數扣運以除民害勒石永

### 禁

一漢陽府學雖屢經修治然歲月滋久廢壞不免而縣  
學又以基址偏仄 啟聖祠舊建於明倫堂之東偏  
不獲居中南向觀瞻闕如 公命兩學廣文先生於



府學則修飾之於縣學 啟聖宮則創建之其尊崇  
先聖如此

一本宦作育人材捐貲購買黃宅基地壺大段坐落南  
紀門內建立義學延請名師課誦講讀凡單寒子弟  
負笈來學者屋舍幾不能容一時人文蔚起入泮而  
登賢書者井井有人

一漢鎮勢利之區主僕大分往往倒置有某者倚仗金  
錢欺凌幼主闔郡紳士莫敢誰何 公廉其實寘之

法其人懷捌百金以獻 公固知之執法益堅故也  
堂下漢陽人士鼓掌稱快

一本宦念切民瘼肆拾陸年夏秋受旱 公不辭炎熱  
親詣九真山為民祈禱前下山而大雨大通

一本宦居官清正聽斷明允凡民有訟隨審隨結獄無  
繫囚

一本宦慈愛居心甫到任見刑具重大深用憫然急令  
焚毀另設輕刑聽斷時亦不輕用故至今有郝佛之

稱

一本宦甲午秋陞授雲南學政漢陽小民如失慈父母

馬齊赴 各憲以借寇請 公因

朝命已定急買舟南上出衙之日攀轅號泣者填蓋郡城

卓馬輿夫擁塞不前此辭纜跪送江干者幾數萬人

一時黃髮賣賣稱歎謂從來去位之榮送行之盛未

有如 公者

一本宦於乙未年捌月貳拾貳日自雲南告病歸

經漢上漢陽人士沐 公之澤感 公之恩雷 公

暫憇於此乃於是年拾貳月貳拾伍日壽終旅署聞

者號泣累日士民公議急將本宦事實約略上陳伏

冀

賜詳申遂准據名宦之績允登崇祀之班則報德酬膺

高明兩慰矣

康熙伍拾伍年貳月

訓導署教諭事鄭祖馨

具甘結漢陽府漢陽縣鄉紳陳國祝彭俊王希洪生  
 員清道謨胡鈞譚元憲里民劉鳳楚陳枚生李斯之  
 等今於

與甘結為恩被萬民勲垂五馬祈賜轉詳以彰

廉守請

題崇祀以慰輿情事實得原任漢陽府知府 郝諱

士錚准任十載仁心善政千有餘條闔郡頌戴如同  
 怙恃酬報勲庸應光祀典連名公呈請祀名宦中間

不致虛捏所結是實

康熙伍拾伍年貳月

日具

漢陽府漢陽縣儒學為恩被萬民勳垂五馬祈賜  
詳以彰廉守請

題崇祀以慰輿情事據本府兩屬進士舉人貢監生員  
里民陳國祝等甘結前事結稱前任本府郝諱士  
者蒞任十載仁心善政千有餘條闔郡頌戴如同帖  
恃酬報勳庸應光祭典連名公呈請祀名宦等情具  
結到學據此該本縣儒學訓導署教諭事鄒祖嶧查  
看得前郡伯郝公道德宗工文章山斗攀花月窟桂

苑香飄預宴曲江杏林春暖由司鐸而陞任孟縣咸  
曰神君以仙卽而出守晴川晉云慈父辨尊卑之大  
分綱紀肅清除帖稅之餘錢恩施洪溥延師儒於義  
學觀造就於諸生家禮樂而戶詩書農耕桑而士庠  
序慈仁天植撻吏惟用蒲鞭寬厚性成遣囚何妨伏  
臘洎乎懸玉壺于六詔操蒸鑑于滇南請託不行人  
稱鐵面苞苴杜絕衆號冰心顧乃勇退于急流之中  
捐館于別山之側民懷其德競墮淚以徬徨士感其  
恩爰具呈而公請允宜崇祀賢宮光茲組豆食應升  
裡名宦共此馨香隨經取具府屬進士舉人貢監生  
員里民陳國祝等甘結前來敬學覆查無異加具印  
結造具事實牒移  
貴縣請頒查照加結出看轉達施行須至牒者

湖廣漢陽府漢陽縣儒學今於

與印結為恩被萬民勲垂五馬祈賜轉詳

以彰廉守請

題崇祀以慰輿情事據漢陽府漢陽縣紳陳國祝彭

俊王希洪生員靖道謨胡鈞譚元憲里民劉鳳楚陳

枚生李斯之等結稱實結得原任漢陽府知府 郝

士錚者蒞任十載仁心善政干有餘條闔郡頂戴

如同怙恃酬報動庸應光祭典連名公呈請祀名宦

中間不致虛捏等情結由到學據此覆查無異理合  
加結須至結者

康熙伍拾伍年貳月

日具

湖廣漢陽府儒學為恩被萬民勳垂五馬祈賜轉詳  
以彰廉守請

題崇祀以慰輿情事據本府兩屬進士舉人貢監生員  
里民陳國祝等呈前事呈稱前任本府郝諱士鎔者  
蒞漢十載仁心善政于有餘條闔郡頂戴如同怙恃  
耐報勲庸應光祭典連名公呈請祀名宦等情且呈  
到學據此該本府儒學教授王楨訓導張均查看得  
原任本府太守郝公燕北名儒杏園重望學本濂洛

不為章句浮沉績著循良無漸父母愷悌施蒲鞭之  
雅化吏胥潛移弘買犢之深仁群黎戴德太和洋溢  
眷宇依依霽月光風雅意滌除煩苛藹藹祥麟威鳳  
當崇階之既晉遂恬退以自娛舉比橫經首荀已儲  
公輔之望解組歸里琴鶴無改儒素之常既樹令德  
于生前媲美往哲應採輿論于身後永祀宮牆今據  
紳衿耆民陳國祝等甘結事實前來啟學覆查無異  
出具切看加粘印結相應移送

貴縣請煩查照轉達施行須至牒者



漢陽府漢陽縣為恩被萬民勲垂五馬祈賜轉詳以  
彰廉守請

題崇祀以慰輿情事康熙五十五年正月二十三日准

府縣兩學開開據漢陽府兩屬進士舉人貢監生員  
耆民陳國祝等呈前事呈稱前任本府郝諱士錚者  
蒞漢十載仁心善政千有餘條闔郡頂戴如同怙恃  
酌報勲庸應光祭典連名公呈請祀名宦等情牒移  
到縣准此該本縣知縣蔡甸查看得前憲郝公熙朝

仁傑當代名流矢清白之志堅却多金而懲兇暴懷  
慈祥之念慨捐薄俸而賑窮黎建立義學以培植孫  
寒由是人文蔚起修築堤壩而永絕訟端迄今境民  
安堵冰鑑高懸別尊卑之大分綱紀肅清仁風廣播  
除帖稅之餘錢恩施洪溥速結訟於獄囚咸曰神若  
祈禱雨於真山皆云慈父當日之嘖嘖誦聲恍若接  
于耳目間也既德被于民間宜配祀於

聖廟今據閩邑紳士耆民籲懇崇祀隨即備關府縣兩學

查明事實開具冊結議覆前來卑職覆核無異擬合  
加具印結詳請

憲臺俯賜轉詳庶前憲得叨祀典永享俎豆實荷  
憲德于無既矣為此今條前由理合申乞  
照詳施行須至申者

漢陽府為恩被萬民勲垂五馬祈賜轉詳以彰廉守  
請

題崇祀以慰輿情事康熙五十五年二月十二日據漢  
陽縣詳稱康熙五十五年正月二十三日准府縣兩  
學開闢城府屬進士舉人貢監生員耆民陳國祝等  
呈前事呈稱前任本府郝諱士鏞者溢漢十載仁心  
善政千有餘條闔郡頂戴如同怙恃酌報勲庸應光  
祭典連名公呈請祀名宦等情申詳到府據此該本

府知府加二級紀錄八次胡兵瞻看得志行克篤光  
祀典于膠庠釋菜與注重名器于黍稷故興嗟殄瘁  
自昔云亡而想慕典型如今尚有舊陞雲南學憲原  
任漢陽府知府鄒諱士鐸者世傳甌山書晒七夕丰  
格騰千仞之上桂折蟾宮文章激百家之芳香分杏  
苑含鷄骨于蘭省白簡早振秋霜煥熊軾于晴川黃  
童胥呼慈父車隨膏雨恩流鸚鵡洲邊琴弄春花響  
徹郎官湖外回風返火至誠不讓荊州弭盜安民神

智何殊京兆在昔化行楚北不受父老一錢繼後鑿  
振天南惟飲滇池勺水益道範光諧乎師範故觀風  
兼藉以觀文網羅鄧林盡英雄而入彀衡持玉尺表  
繩墨以為指正期福被蒼生何意心懷綠野山從人  
面起萬里艱辛雲傍馬頭生一身憔悴方其去也哭  
送江干於其來焉爭迎漢上誰知今昔之感硬有死  
生之分士女歌吟聲聲啼鵲之血雲山慘淡處處墮  
淚之碑念入室而升堂見宮墻之數仞宜東廡而西

名百錄  
序式俎豆于千秋輿論既符薦享難闕今據該學縣  
查造事實冊結前來職府覆查無異相應加結據詳

仰請

憲臺俯賜

核題

查核轉詳

題

准其入祀庶前哲不致

湮沒而後人得以永式矣為此除申詳

三院暨

各司

道外備由申乞

照詳施行須至申者

署理湖廣總督印務巡撫湖廣等處地方兼提督軍務

都察院右副都御史加五級劉

批

仰北布政司查明通詳仍候

撫都

院批示繳冊結併發

巡撫湖廣等處地方兼提督軍務都察院右副都御史

加五級劉

批

仰布政司查議通詳仍候

署督

院批示繳

各上憲批語

署理湖廣湖北布政使按察使司按察使仍管湖廣湖

北督糧道事加三級紀錄十三次張 批

仰候察核冊結移會 臬司加看至日轉詳仍候

督撫兩憲暨 學院各道司批示繳

署理湖北按察使司事驛傳清軍鹽法道按察使司副

使加一級紀錄四次楊 批

仰候

撫三院暨 藩司 各道批示繳

湖廣分守武昌道布政使司叅議加三級金 批

地經草舍棠陰召伯之思山有遊踪碑下羊公之淚

原任郝知府理學名儒循良賢守九年之撫卹維勤

萬姓之歌詠靡已允宜崇祀用協輿情仰候據移

本司轉請仍候

院 司 各道批示繳冊結存

按察使司按察使仍管湖廣湖北督糧道事加三級紀

錄十三次張 批

仰候

督撫兩院暨學院

司批示繳

督理湖廣湖北驛傳兼理清軍益法道按察使司副使

加二級又加一級紀錄四次楊批

郝守居官清正名實允符群請崇祀宜慰輿情仰候

督撫兩院暨學院各司批示繳冊結存

湖廣湖北等處承宣布政使司為恩被萬民勳垂五  
馬祈賜轉詳以彰策守請

題崇祀以慰輿情事康熙五十五年二月十九日據漢

陽府詳稱據漢陽縣詳稱准府縣兩學閱開據府屬

進士舉人貢監生員耆民陳國祝等呈前事呈稱前

任本府郝諱士鐸者蒞漢十載仁心善政千有餘條

國郡頂戴如同怙恃辭報勲庸應光祭典連名公呈

請祀名宦等情并取具事實冊結詳賚前來據此隨

經移會臬司加看去後今准臬司回稱看得名宦配  
享几筵所以報循良而風有位甚盛典也舊任雲南  
督學原任漢陽郡守郝學優入政恍然德禮齊民服  
古居官不減鼓鐘造士民懷舊德如同陰雨之膏士  
沐遺風克比甘棠之蔭十年雅化至今齒頰猶芳萬  
載明裡共見崇褒有自用光俎豆允洽輿情今准前  
因擬合移覆等因過司准此該本署司看得舊任雲  
南提學副使原任漢陽府知府郝士鐸者古燕偉望

近代名儒廉潔持躬勵清操于楚北菁莪造士儷雅  
化于滇南採輿情之愛戴何殊峴石之芳軌考漢土  
之公評猶見名棠之嘉跡五馬高風自合齊名賢哲  
千秋俎豆允宜共祀馨香茲據守令各官確查無異  
又經移會臬司覆看僉同緣奉批查事理理合具文  
詳覆伏祈

本都院俯賜查閱批示以便轉飭遵照施行為此除  
呈詳



署督部院外今條前由理合呈乞

照詳施行須至呈者

署理布政使司事督糧道張為恩被萬民勲垂五馬  
等事本年三月初八日奉

署督  
撫都

院批本署司呈詳看得舊任雲南提學副使原

任漢陽府知府郝士鏞者古燕偉望近代名儒廉潔

持躬勵清操于楚北菁莪造士佈雅化于滇南振興

情之愛戴何殊峴山之芳軌考漢土之公評猶見召

棠之嘉跡五馬高風自今齊名賢哲千秋俎豆允宜

共祀馨香茲據守令各官確查無異又經移會臬司

覆看愈同緣由奉批如詳轉飭遵照仍候

撫都院批示繳冊結存奉此又奉

撫都院劉批同前詳既據會勘愈同如詳轉飭准

其入祀可也仍候

署督部院批示繳冊結存等因奉此合行飭知為

此仰府官吏照牌事理仍將該宦入祀日期徑報

<sup>督</sup>撫二院暨本司查核毋違須至牌者

康熙五十五年三月十二日行

湖廣漢陽府正堂加二級紀錄八次胡為恩被賞

民勲垂五馬等事康熙五十五年三月十二日奉

布政司詳奉

<sup>督</sup>撫兩院批允前府郝准其入祀名宦一案緣由行

府奉此合就轉飭為此仰縣官吏即便知照仍將置

至入祀日期緣由具文徑報

<sup>督</sup>撫兩院暨臬二司並本府查攷毋違須牌

康熙五十五年三月

日行漢陽縣

湖廣漢陽府正堂加二級紀錄八次胡為恩被萬  
民勲垂五馬等事康熙五十五年三月十二日奉  
布政司詳奉

督兩院批允前府郝 准其入祀名宦一案緣由行

府奉此除行漢陽縣已經擇吉置主入祀外合併抄  
詳飭行為此仰縣官吏即便查照詳看

院批事理即將前府郝 銜諱置設木主一體入祀

名宦仍將入祀日期具文報查毋違頒牌

計粘抄詳一宗

康熙五十五年三月

啟主文  
維

皇清康熙五十五年歲次丙申季春月壬辰朔越祭日

卯湖廣漢陽府儒學教授王楨訓尊張均漢陽縣儒

學訓導署教諭事鄒祖燁等謹以剛鬣柔毛清酌庶

儀之儀敢昭告於

誥授中憲大夫提督雲南通省學政按察使司副使原任

漢陽府知府加二級都老大人之神位前曰維公

燕北名儒益津頌望英年獨步蚤攀月桂之枝妙藝  
擅場親射彤廷之策闢筮仕於初服岍然不與庸衆  
為儔及作郡於漢江凜乎欲與冰霜共勵滿腔深愛  
呼吸通百族之安危有脚陽春喚咻徧四郊之雨露  
恩綸特簡文旆初旋錦里未歸帝鄉已逝豈非盛德洽於  
漢水將神樓臨嶂之巔或亦文光射於楚天欲靈護  
晴川之境茲蒙 上憲大人採錄芳型建置木主鳴  
乎際盛典之下賁共看此日榮施瞻道氣之常新永

作將來楷範維 公有靈實式憑之

祭告 先師文

維

皇清康熙五十五年歲次丙申季春月壬辰朔宜祭日

卯湖廣漢陽府儒學教授王楨訓導張均漢陽縣儒

學訓導署教諭事鄒祖嶧等謹以特牲束帛之儀敢

告於

至聖先師之神位前曰惟 聖德配天地道貫古今易象

春秋牖生民之知覺中和位育開萬世之太平當年

名官錄  
玉振金聲一堂萃四方英傑今日敦詩說禮千秋仰  
闕里宗風今有本府前任知府郝士鐸燕山正士杏  
苑名流早歲勤修非徒勦襲乎文字暮年迪德益加  
檢束其身心思兩邑之食德飲和藹然無懷葛天之  
宇十載之寬刑薄賦宛若家人父子之情文學共政  
事兼優在生前已窺美富令名同實行並懋則沒後  
應列宮墻茲奉 上憲大人置主崇祀擇吉入祠  
奉 祭 聘後賢獲侍泗水東山之函文遙遙奕世長附三千

七十之後塵敬具不腆用申昭告

祭告歷代名宦文

維

皇清康熙五十五年歲次丙申春月壬辰朔宜祭日

卯湖廣漢陽府儒學教授王楨訓導張均漢陽縣儒

學訓導署教諭事鄒祖嶧等謹以牲牲酒醴之儀敢

昭告於歷代

名宦大人之神位前曰惟天篤生奇杰惟聖祐啟鴻儒名

臣接踪於簡編循良蔚起於宇宙瀟湘諸郡編氓長



戴二天江漢上將賢聲聯翩五馬唯遺愛垂諸不朽  
斯典禮報於無窮今有本府前任太守郝公韓士錚  
者燕北名流杏園雅望聲流庠序和風吹兩邑之弦  
歌澤及顛蒙正氣鼓一方之節義耻鷹鷂而取鸞鳳  
治崇敦大累年苛政咸除挽浮薄以返淳龐化洽中  
和一時澆風俱厚在漢濱父老已沾惠澤於十年而  
我公憂勤獨騰清風於兩袖是益學宗洙泗質之  
先聖而無慚抑亦品立高明考諸羣公而不謬茲

奉 上憲大人採錄芳型建置木主嗚乎躋名賢之  
班列齊作楷模觀至德之音容同光俎豆敬陳壽考  
冀其頌歌尚

養

安主文

維

皇清康熙五十五年歲次丙申季春月壬辰朔越祭日癸卯湖廣漢陽府儒學教授王楨訓導張均漢陽縣儒學訓導署教諭事鄒祖嶧等謹以剛鬣柔毛清酌庶饌之儀敢昭告於

誥授中憲大夫提督雲南通省學政按察使司副使原任漢陽府知府加二級郝老大人之神位前曰為

公無騎龍兮陟帝旁  
公無御風兮歸故鄉  
公其鑒格兮依漢陽  
旦既敷兮時獲良都  
人士兮濟而瞻旌  
旗蔽日兮肅鼓揚啟  
名祠兮赫流光羅牲  
牲兮酬酒漿神炯炯  
兮靈煌煌儼舍座兮  
森兩行迎公之入  
兮肅冠裳紛揖讓兮  
鳴琳琅與公晤對兮  
若一堂燕笑語兮樂  
無疆上棟下宇兮億  
中央驅朽蠹兮壽而  
康春秋俎豆兮饒且  
香于齡萬稷兮在宮  
墻公其鑒格兮歆蒸  
嘗尚

饗

紳士公祭文

維

皇清康熙五十五年歲次丙申季春月壬辰朔越祭日癸  
卯治下陳國祝彭俊陳國柱熊正策張叔珽江芭熊  
正節蕭元亭汪遠于陳治要高瑞龍許之楨蕭世準  
劉嘉詠金祖謙張坦麟張坦謬黃楫張毓瑞李能哲  
孫光祀張琰羅鳴序楊之蕃蘇曰珍李瀨等謹以剛  
鬣柔毛清酌庶饗之儀敢祭告於

誥授中憲大夫提督雲南通省學政按察使司副使原任  
漢陽府知府加二級郝老公祖大人老恩師夫子之  
神位前曰嗚乎天生我公鍾毓多年文章功德以  
一身全不忘沒後愈想生前我聞公少希聖希賢  
高科聯掇願假寒氈蘇湖教法碑版高鑄總宰孟邑  
勞心殫力以教以誨以飲以食我聞孟人謳思不置  
部務紛紜智勇莫伸我聞公入大展經綸談笑立  
辦舉重如輕至今山左活我黎民匪公賑拯溝壑

無存一毫山守十載漢濱漢之廣矣洞殘難理我  
公下車病瘵厥體道之以德齊之以禮鞭扑不施恩  
淪肌髓其造士也實行為先延師設學清俸時捐單  
寒有造犁澤無邊其勸耕也星焉宿駕買犢買牛情  
勤不化蛙不為災雨隨車下其卹商也浮稅歲除毫  
釐不取轉通自如其自奉也澹泊清虛恂恂儒素弗  
翦庭蕪抱琴有吏橫案唯書不知聲色倏空庖厨漢  
復元氣厥由公乎無因乎無由乎與黃童以下

特簡文衡群心眷戀借寇無因呼號殆徧白叟黃童江干  
泣錢無公亦惻然情見乎面漢士聞風歎欣舞抃考  
校廉明冰壺玉鑑鞠躬盡瘁忘私觸怒引疾歸來星  
沉于漢生撫漢久沒念漢深嗟嗟我漢曷報公仁  
尸祝鼓鐘輿情未愜合喙同聲請揚先烈煌煌名宦  
崇祀先賢立功立德與夫立言匪此莫入厥典凜然  
我公之功漢水深弘我公之德魯峰岌業我  
公之言戶誦家弦備三不朽超前軼後樽俎春秋贊  
福我邦家穀我士女神之聽之千秋萬古尚

樂

宮借夕鳴乎我公是安是依為漢霖雨為漢神祇

福我邦家穀我士女神之聽之千秋萬古尚

入祠奠主上饋文

維

皇清康熙五十五年歲次丙申春三月壬辰朔越祭日癸

卯不孝男郝霈郝霽降服男郝霽孫本正本厚本盛

本茂本榮本恩降服孫本立本深重孫肅等謹以剛

鬯柔毛香帛饔酌之儀敢祭告於

誥授中憲大夫提督雲南通省學政按察使司副使加二

級前湖廣漢陽府知府顯考子希府君大人之神位

前竊惟

府君大人由康熙戊午舉人聯捷己未進士是時

府君年僅二十有九恐驟膺民社或致曠官於辛酉年  
以進士任順德教授數年舉卓異陞山西孟縣令甲  
戌奉

旨行取丁丑補督捕東二司主事隨改戶部陝西司主事  
辛巳陞本部山西司員外郎癸未陞禮部儀制司郎  
中乙酉出守漢陽時不孝男需二弟憲三弟霽更侍

左右凡 府君之持躬以廉御下以寬培學校厚風

俗減牙稅革火耗種種實政得之目擊者為多蓋

府君之視漢陽百姓也不啻父母之愛其子漢陽百姓  
之戴 府君也不啻人子之愛其親惟交相愛故郝  
佛之稱編士庶合遠近無異辭焉甲午秋奉

旨特簡視學滇南乙未初夏試雲武兩府畢即以病請解  
組北歸十月中道經漢上暫留數月擬今年春夏之  
交束裝旋里無如昊天不弔於去年臘月二十五日



壽終旅署漢陽紳士耆民被 府君之厚澤念

府君之清操羣詣 太守胡公請祀名宦 胡公通詳

上憲蒙報可謹擇本月十二日奉主入祠是曠典也是

此邦人士之直道不忘也是 賢太守 賢令尹

賢師儒緇衣好德之盛心也是 藩 臬 學使

中丞 制府念芳矚之不可湮沒俾祀春秋於無窮也

獨是不孝等生不能致雞豚之養沒則瞻望几筵享

祭安有能勿悲乎然 府君在天之神左右於

先聖 先賢 先儒之側矣其輝光同其祭享又與歷代

名公鉅卿大人先生共居一室後先陟降亦可以無惆

矣且是日也漢上之衣冠畢集鄉城之老幼偕來歎

息咨嗟踊躍奔走若必如是而後足以報 府君之

德慰此邦之心者謂非 府君之厚澤清操入人之

深感人之篤而致此乎爰陳薄奠以寫哀衷臨文嗚

咽不知所云尚

饗

Large stylized seal script characters, likely a library or collection stamp, possibly reading '上海圖書館藏' (Shanghai Library Collection).



